



蓬萊閣集卷之十

宋集

知府程試

教授馬元吉

同知張以翔

教諭杜學書

通判袁九功

訓導羅袞

推官冀述校閱

董振業

知縣馬行健彙梓

傳好古訂証
劉源登訂証

國朝詩

觀海市不見

吳謙

蓬萊閣上試遊
邀萬里空明眼界
饒風撼波濤聲振

地蜃噓樓閣勢凌霄祖龍玉輦今蕪沒徐福仙舟竟
寂寥往事已貽千古笑肯將恠誕污清朝

登太平樓

游璉

城頭風色上樓臺臺下煙濤次第開鰲島光浮秋月
靜海門聲咽晚潮來湖南老子清霄興漢代嫖姚宿
將才涼霧滿天豪思闊醉看歸騎出蓬萊

同陳龍山憲副登蓬萊閣 周寵

牟山傑閣是蓬萊此日登臨亦快哉屹屹竒峰天設
險瀟瀟巨浪地轟雷田橫義島垂芳譽蘇老詩章騁

妙才只為蜃樓空兩度笋輿將發又徘徊

登蓬萊閣

顧應祥

芒鞋飛下珠璣巖遠望扶桑指顧間風噴石頭成碎
顆潮回山脚露新斑鯨波夾鏡環三面沙島排空屹
兩關何用樓船濤不測分明瓊館在凡間

遊漏天

鄭漳

夢裡逢人說漏天興來携友共探玄不嫌梅雨山途
遠為有珠泉鳥道懸壁立光搖河漢影風迴聲壓水
龍眠匡廬瀑布當年興把酒高歌憶謫僊

登蓬萊閣

潘九齡

蓬萊高閣倚雲橫，今古詩人幾度經。
形勝千年還是昔，神僊四海信虛名。
靈光浸屋斗牛近，白浪排空島嶼平。
肆我登臨豪思發，一盃清興萬山晴。

登蓬萊閣三首

胡纘宗

落日初登海上臺，蓬萊高閣倚雲開。
沙門宿浪翻晴雪，鼉島寒潮起暮雷。
蜃市杳茫樓觀影，龍宮閃爍金銀堆。
秦皇漢武空搔首，不見僊人携鶴來。

城南纖月照蓬萊，海口風迴夕霧開。
點點晴磯動星斗，冥冥晚市遮樓臺。
微垣玄鶴聯翩至，多史青駝蹀躞來。
共倚秦橋望三母，金宮高處踏蒼苔。

昔聞北海蓬萊閣，今上東州縹緲臺。
漢柱暮雲浮萬島，秦橋纖月傍三台。
元戎列塞冬風靜，刺史垂簾春雨來。
借問瀛洲學仙者，天邊巨闕幾時開。

登太平樓

陳鳳梧

重城之外更重城，坐鎮滄溟拱帝京。
曉日潮平新海口，晚風角起舊軍營。
水邊萬堞連蓬島，雲外層樓表太平。
自是聖人在中國，鯨鯢無警海波清。

登太平樓

柳本明

太平高閣接瀛洲乘興登臨盡日留
潮漫沙堤秋草綠浪涵山鳥碧雲
心遠萊海上疑真假城市空中信
有不睡罷追思千載事枉教車駕
謾東遊

登蓬萊閣

于濠

飲餘高興步蓬萊詩思撩人信手裁
滄海靜無風作浪遠山晴似畫屏開
古今題詠多佳句秦漢求仙是
妄猜還訝隆冬見海市陽侯應惜長公才

登蓬萊閣

鄭淳

蓬萊高閣坐逍遙撫景長吟興未消
棠棣歌聯情更適海天望極樂無
饒地通星宿浮寰宇天作雄圖翊
聖朝徐福安期底事九鰲何處負
僊橋傑閣巍巍枕石城高飛物外
覺孤清眼前萬里滄溟闊天際幾
聲鷗鳥鳴玄島有時呈貝闕扁舟
無處覓徐生神僊落落應難遇
畱得蓬萊二字名

上蓬萊閣觀海市

姚文韶

木榭山亭望不遐倏看村樹半人家
千方變化隨天巧極目玲瓏散日
華絕島勢連驚燕雀清波影落動

魚蝦潮聲欲斷殘霞照還向中流泛斗槎

上蓬萊閣觀海市

沈松

偶來蓬閣一憑虛未解瀛洲景物絳忽漫氤氳疑竹
島無端幻化出鼉磯兩山朝市開圖畫一水樓臺映
翠微天假奇觀供散吏不妨乘興暮忘歸

登蓬萊閣

郭璽

海上何年有此亭我來真得瞰方瀛洞中僊酒蛟龍
噴雲裏玉簫鸞鳳鳴日近始知城不夜風回惟喜雪
初晴白鷗作伴閒眠又贏得人誇吏隱名

登蓬萊閣

謝仲賢

家住海州常見海乘槎又到海東頭白雲襲得單衣
濕玉樹攀來細葉稠謝眺看山因載屐仲宣懷土欲
登樓一行物色堪吟賞鷺帶殘霞白棹收

登蓬萊閣二首

熊文翰

馮虛直上蓬萊閣兩腋風清夏更幽僊境不教塵土
到詩懷應為海山留音書命處來青鳥身世幡然愧
白鷗西望故園雲際眇令人却憶仲宣樓

大竹山長小竹高牽牛隱隱望還遙漁郎去棹不嫌

遠詩客凭闌偏覺勞恹
蜃幾回含雨色征鴻千里見
秋毫何當覓取珊瑚樹穩閣
綸竿學釣鰲

登蓬萊閣二首

陳鼎

倚樓滄海看安流背指扶桑出日頭
神禹應龍知此歷漢皇瑤草笑經秋
雷轟晴晝觀來復水落闕磯認
遠洲試問箇中垂釣者自無有意到成周
贏得清平問海陬蓬萊高枕碧雲頭
映堦芝木榮還老隔檻風煙夏欲秋
有信歸舟如過客無言山色自歸樓
登臨幾度空懷范誰知此州

觀海市二首

年來無夢到登瀛山海聊從玩此生
地殷天聲龍似吹市乘嵐氣蜃初明
非關霖雨占吞吐應是神工荅治平
猶記坡仙當日禱歲寒特特為開晴
茫茫何處問中邊撐柱三山不問年
非霧非煙隨物化宜晴宜雨信人傳
須臾親見水成陸恍惚遙驚地壓天
莫把此機殊眼看花花葉葉滿前川

登蓬萊閣

浦鉞

人間無路問蓬萊天竹山前一徑開
吞吐滄溟溼日

月升沉蜃氣幻樓臺浮雲半出青天迥遠水雙飛白
鷺來漫興更凭闌外看夕陽影裡釣船回

登蓬萊閣

趙秉倫

城閣重重映曉霞海天空處有誰家昇天錯訝旌陽
宅泛海難尋博望槎雲滿旌旗拂玉樹煙輕屏障鎖
瓊花石鯨水底自鱗甲却憶當年輦路賒

蓬萊閣懷舊

李沔

重來還上海邊樓依舊風光足縱眸滿檻跳珠疑是
雨一簾寒影不禁秋幽懷漫向尊前壯霜鬢從教鏡
裡流却憶學仙人不見誰家吹笛隔汀洲

登蓬萊閣二首

浦之浩

蓬萊飛閣倚層崖鳥道凌空入望賒清波浩淼思帝
澤觀風有客賦皇華曲江錫燕袍初綠苔樹承恩影
未斜醉舞歸來看明月白蘋門巷是仙家

東牟小隱近瀛洲乘興何妨日日遊天上匏瓜應可
摘人間月府有誰脩仙人何處玉簫發王母不來青
鳥愁無數斷碑荒藓合且將磨洗問前脩

五日蓬萊閣宴集時再命蘇松過家

芳晨尋約泛花遊
郡府筵開閣上頭
霞影旆搖山雨
霽數聲歌動海雲秋
迴珠樹光吞月
斗傍靈槎景
入樓為問滄浪濯纓者
無如此處賦清流

將適維揚登閣述懷

陳其學

一行驄馬下江鄉
聊向天吳問大方
壻宅路漫依蜃
市石橋虹斷落黿梁
即憐圍磧鰲波素
未許漕帆沉
海倉處處炊煙冷
村樹吉雲遮莫度
林芳
蓬萊個是有樓居
樓外征塵上錦祛
碧巖玉壺天水

際紫涵金穴
島雲踈浮槎
何處覓渚次
掛席日邊餐
霞初滿壁賦
情半苔蘚
令人長憶水
玄虛

登蓬萊閣

吳昶

漠漠煙波春不開
海天何處覓樓臺
題詩古壁蛟龍
鼓吹笛空山風葉催
野鳥銜來金字誥
仙人親授紫霞杯
蘇耽佐郡留丹井
千古令人想逸才

登蓬萊閣次潘文宗韻

譚綱

倚闌四顧渾無地
只有青天在上頭
海市忽看迷水
陸桑田若變失
春秋遊神直欲追
千古回首空慙守

一州共說中華

天子聖來朝萬國
詎安流

極目不分天與水
只疑渾沌未曾開
星河有象高同
下潮汐無端往復來
海闊偶從今日上
元神直向太
初回等閑悟却吾
心性囊括乾坤亦大哉

與謝將軍飲蓬萊太平樓

吳維嶽

春冷嶠夷蜃氣吞十洲
鬚鬢散朝暎天垂碣石虹蜺
浹山壓滄溟殿閣尊波靜
可通重譯使城孤還識望
山門自聞淺水揚塵話
咲為將軍塵酒罇

登蓬萊閣二首

趙紳

海上春風瑤草香
蓬萊高閣俯洪洋
十洲境秘烟霞潤
三島峰深歲月長
靈異有時窺蜃市
淵源何日變田桑
來遊此處真踈豁
萬里浮天入渺茫

與僚佐望海二首

王世貞

携君躍馬最高峰
海色蒼然盡漢封
落日層波明玳瑁
青天孤嶼削芙蓉
洲邊大核仙人種
浦外靈槎使者逢
起看白雲出天矯
不知何事但從龍

懸梯閣道倚蓬萊
地盡天空鴻鴈迴
日似海珠人捧
出山疑秦帝石驅來
千秋未假徐生藥
六月長留袁

紹杯為語異時陵陸改始知塵世有仙才

蓬萊閣望海一首

周國卿

小閣嶙峋倚碧空憑高東眺晚煙濛
飛來島嶼整嶺合望樓臺層氣通
沙浦月明朝欲上僊橋人遠鶴
難逢凌然萬里渾無際我欲摳衣一御風

省白邊蓬萊閣觀月

劉涇

乘涼燕集畫樓顛指點蓬瀛繞座前
纔見西天霞綵散即看東海月輪懸
咸池濯耀蟾宮潤廣殿通明鮫室連
最愛滄溟千萬里波光直射到身邊

奉和次山公登蓬萊閣觀海

四溟謝榛

五馬行春青莖長蓬萊高閣暫揮觴
天風引興隨飄忽海色催詩入混茫
鮫室分明歸遠化鯨波清徹見餘霜
漢家柱史能為郡漁父歌謠月滿航

遊仙人洞洞在閣下窅然中虛勝境也

喬應春

招携不分探幽栖纔下重關地界暎
千丈巉巖藏虎豹半空風浪浴鯨鯢
安期久去雲猶在坡老曾逢句

定題咫尺三年今一見青牛西出望空迷
弱水三千縮地何方壺此日恍曾過纔依洞口烟霞
迥回眺城頭霄漢摩地勝忽疑風在御坐深不記斧
遺柯斜陽徙倚四山紫款乃滄浪起棹歌

次喬使君韻

陳其學尚書

年來歸病思如何磯畔閑鷗日日過海若逐靈輪眺
望洞冥底事費編摩擬餐沆瀣迎尊曙玩拾珠璣倚
袖多安得借從杯度者携天時對白雲歌

碧落懸樓海燕栖寰宇往事幾相睽好看煙市虛疑
蜃謾話虹橋舊跨鯢盟席久遠佳處夢望洋敢續大
方題翻然凝睇重山前潮拍斜曛洞口迷

觀海

宋守益

朝來風浪是如何擁紅雲海底過百尺樓臺連地
軸千年潮汐共雲摩乍驚鵬鳥飛搏遠詎信魚龍出
沒多翊戴

聖人波久息敢將吏散伴漁歌

登蓬萊閣次先君夢史公韻二首

周鳳來本府通判

堪輿鎮北聳蓬萊高閣憑虛亦勝哉海底光騰初擁
日波心浪擊乍驚雷永思寧忍觀先跡屬和雖成愧
匪才惆悵白雲空佇望何心撫景更徘徊

李柱峰憲副寄蓬萊觀海諸作用報一章

張應登

風流僊客到蓬萊日日吟從海上迴帝遣洪濤臨翰
墨屢因鉅匠起樓臺巖磯旗鼓誰為敵牛渚壺觴獨
自開却憶巴人蕭瑟久迢迢鶴背好音來

用韵謝張玉堂

李瑱

簡書六月入東萊耳畔潮聲定幾迴閣上銀鈎蝸作
字市中金闕屢為臺無詩莫畫三山渺有興還將百
斗開博望何時能就我靈槎同泛斗牛來

登蓬萊閣

張繼孟

四明招實曾登眺屈指流光十六年萬古滄溟渾不
改半生白髮轉堪憐微茫雲樹浮蓬島縹渺煙霞接
水天笑我薇蕚忙裏客何緣此地又逢仙

登蓬萊閣寫懷正德辛未秋九日

王良臣

重陽駐節海天陬獨步蓬萊閣上頭貫耳濤雷聲動
地書空寫字影涵秋乾坤灑氣歸三島山海風光萃
一樓斜倚危欄頻拭目青雲西北是皇州
西風吹袂入遐陬九日尋芳到水頭喜見黃花呈晚
節咲看白髮照清秋停杯故問天邊月携客同登海
上樓回首家山千里隔飛雲一片繫中州

觀海二首

徐冠

獨立蓬萊百尺樓乾坤萬里心雙眸瀛洲不見神仙
會海市曾聞徐福遊碧水鏡下飛鳥倦

皇明化洽遠夷柔臨風三誦鄒軻訓快意平生此一
籌

登高遠望興悠然海水生風寒氣偏蒼鳥從龍翻碧
浪斷雲逐霧點青巔自疑此外應無地誰謂人間別
有天漢武秦皇誇大志料應到此亦無言

信都夏時

水碧天明宿霧收仙家城闕起中流驚看海外三千
戶賸有人間十二樓潮落雞聲聞隱隱島含龍氣望
悠悠西臺繡使勞形載包括滄溟萬頃秋

海市

安福王懋中

雨餘風煖掃晴烟萬頃波光浸碧天
隱隱樓臺開錦繡依依人物半神仙
一時幻化原無像千古竒逢時
有緣盛事祇今憑孰紀觀風柱史筆如椽

德清沈松

百年身世此同遊海岳呈靈送遠眸
縹渺旌旗遙蕩漾空明樓閣半沉浮
日光恍接嵐光現雲氣還疑蜃
氣流安得仙舟渡溟渤直尋蓬島問津頭

漳源公按登之三日余適至得陪諸公上蓬

萊閣觀海市

虛谷姚文炳

市浮萬頃接晴空城郭分明指顧中
謾說滄瀛多蜃氣豈知造化有神工
繡衣東轍來天上白日驅雲到
海東千里及期陪燕集浮生吾亦慶吾逢

謝鄭東溟招飲同舟遊珠璣岩

浦鉉

一葉扁舟駕北溟風波不入客心驚
雲間竹島中流立海外漁磯傍水生
歸隱獨便同逸樂濟川君可有
才名漫隨塵世浮沉裡托酒高歌歎乃聲

望海

王光祖

日升紫氣流滄海潮起青漚上碧灘島嶼參差猜遠
近乾坤今古說狹寬依稀隱見扶桑影浩蕩沉浮弱
水湍獨有瑤池飛不到幾回昂首望雲端

鶴峰叅知邀燕蓬萊閣

蹇達

閣俯滄溟接混茫相將詞客興飛揚波濤今古吞元
氣島嶼西東挂夕陽玄圃幾人求大藥孤根何處托
扶桑萬派轉識朝宗意並倚危欄望帝鄉
洞裡探竒暮景催勝遊不惜更登臺中天月傍覆城
起虛閣風從萬里來海上珠光疑隱見斗邊劍氣自
徘徊殊方况復逢佳節笑指滄洲作酒杯

蓬萊閣月眺

廩延李戴

百尺危樓直上巖開窓四顧儼登仙東西日月懸雙
鏡上下星河共一天城外雲梯疑跨海席間風景似
乘船更憐小洞無塵到把酒譚心盡入玄

城上觀日

蓬萊高閣共躋攀恍惚仙丹現遠山萬斛明珠浮水
面千層霞彩透天關浴從溟渤呈全體行到崑崙識

大還一盞鴻濛酒便醉那知身世在塵寰

中丞對泉公有海上之行且登蓬萊閣望三

山寄贈

王世懋

遙聞高閣俯蓬壺薄問三山定有無雲煖蜃樓朝結
市月寒鮫室夜沉珠驚湍檻外星河覆異域樽前島
嶼孤若遇安期須乞棗莫教秦帝石空驅

丁亥同王參藩李兵憲登蓬萊閣

毛在

二月春分海氣清一尊相對坐蓬瀛天開圖書真佳

巖人集衣冠總俊英太白才名高北斗右軍聲價重

連城獨慚使客非僊吏藉手仁賢谷聖明

登蓬萊閣

鄒德泳行人

蓬萊爽氣正秋初萬壑瑤光接素裾鳥沒望中隨地
盡蜃生空處覺天餘城臨島浪翻雲濕亭俯巖花帶
雪紆大國名遊誰與續思王應好賦居諸

登蓬萊閣二首

王雲鷺

瓊樹昔曾留素鶴孤槎今復泛蓬萊台光極目碧雲
合屢氣凌風近堞開涸澗從來羞潤澤鄧沙何處見

涓埃安期有棗予堪啖潦倒不將腐鼠回
三山從昔僊靈地勾漏分符豈漫遊一緘雲烟連海
岱半生踪跡付沙鷗樽前樹色還移雨堞外砧聲又
遶秋不必河州天盡處淄塵岐路各悠悠

次登蓬萊閣韻

八十四翁陳其學

因霄騎鶴下揚州攬勝蓬瀛也壯遊
滄海影濤翻拍岸秋吳更倚樓話清淺秦橋漢柱兩悠悠

雨臺程侯示

地張夢鯉

見河王太公祖偕諸僚登蓬萊閣志感詩次

韻奉和

江鄉自昔多壯遊海國于今更壯遊無事應知當跨
鶴忘機始信不祥鷗浴島解意樽前與鴈過忽傳塞
上秋彷彿凌風一島近乾坤身世總悠悠

許西孫句

一路福星臨渤海三山佳氣鬱蓬萊東坡亮節當年
卓北海清樽此日開檻外波濤飛雨露雲間樓閣絕
塵埃靈胥已為名家市試看微車取道回

海樓左之宜

廣陵共羨觀濤賦此日滄溟更壯逸異政賸聞能下
鳳機心已盡不驚鷗歌傳白雪千年調月印寒潮萬
頃秋佇見款川微入相漫倚台斗望悠悠

奉和 見河王太尊登蓬萊閣詩二首

程子侃

仙棹本浮銀漢表偶因風引向蓬萊秦皇碣石依然
在王母蟠桃尚未開日盪海珠光有焰風磨水鏡淨
無埃

聖朝不重神仙事彩鷁應隨斗柄回

葱葱佳氣鬱層樓為有高人覽勝遊八國吏民瞻瑞
鳳三山島嶼聚浮鷗石欄筆點天邊思桐葉詩題海
上秋檻外長公留白雪陽春繼響韻偏悠

蓬萊閣觀遼船因憶海 吳之美

間上蓬萊續舊遊波濤極目盡安流澄清志欲隨時
效綏撫人今為國籌綿亘客航來遼左延衰運艘達
神州蒼黎際此昇平世願祝

皇家億萬秋

遊零人洞

昔人昔日何處去此地此時爭羨遊水滴潺湲晴亦
雨石垣曲曲畫還幽秦皇謬意長生計徐福空勞巨
檝求試問安期今在否斜陽惟照一田丘

過田橫岩

王雲鷺

零亂莓苔掃石鑿便從海若問桑田蛇亡事事皆天
授康穴人人盡比肩莫詫眼前空五百可憐門下更
三千無窮庶世休相詰三石于今亦枉然

贈劉東萊弘老泛槎珠璣巖前喜而獨酌

謝繼科

解帶風輕萬里情使君披豁憇神瀛雲晴島外供鰲
戲天逼亭孤引鶴鳴醉泛鷗波成嘯傲坐招僊侶問
虛盈流傳東海蟠桃事強入天台結壺盟

海上公讌即事

天搖空碧斷飛沈醺酒方壺出世心風起潮頭千鼓
疊雲停島腹一峰陰扶桑東壓鼉鼉窟碣石橫開虎
豹林渡海樓船悲往事昇平那不寄長吟

閣上酬王見老讌

卷一
十一
聞道玄虛作賦才，招邀况復臨高臺。
開尊雲島三山至，倚檻天風萬里迴。
霧卷空明浮絕域，月涼清嘯坐蓬萊。
仙踪合預王喬讌，笑領芙蓉露幾杯。

又酬郭敬所讌

誰向樓臺吹玉笙，因君欲賦昇天行。
醉銜鸚鵡杯，閒碧倦倚蛟龍海。
上城霞彩低空籠，暮島風潮捲石入。
秋聲林宗自合神仙侶，為報安期吏隱情。

謁海神廟觀海

晉江黃克纘

元氣茫茫接太清，乘春一望水雲平。
雪花浮浪千疊起，日色蒸霞四散明。
海上烽銷旗半偃，津頭潮落棹空橫。
縈香好谷神靈貺，莫遣鯨波又震驚。

東牟觀兵夜宴蓬萊閣二首

城列千燈錦帳開，東風吹客上蓬萊。
天光海色春相映，疊鼓鳴笳夜急催。
鰲首三山含霧動，潮頭萬馬拍空來。
觀兵幸值妖氛息，徙倚危欄一舉杯。

晚風吹浪不勝寒，靈境塵寰此壯觀。
銀漢遙傾蓬島外，朱旗高掣暮雲端。
潮通鮫市來常滿，樓瞰龍宮立未安。
極目扶桑千萬里，茫茫知有海天寬。

登蓬萊閣觀水上軍二首

會稽來三聘

海霧晴開春浪平，千軍飛棹習昆明。
朱旗蕩水魚龍震，嚴鼓傳風島嶼清。
萬里滄溟消冷氣，百蠻草木怖天聲。
登臨喜見鯨波靜，却憶山濤懼外寧。

蓬萊飛閣絕塵寰，萬里煙波指顧間。
天盡扶桑分異域，地窮弱水失三山。
安期僊侶招難至，徐市雲帆去不還。
滄海東流人共老，宦情誰似白鷗閒。

春日登蓬萊閣觀海水操次

撫臺韻三首

程試

海上雪晴嵐氣清，空中樓閣與雲平。
輕風浪動千層碧，曉日光搖萬壑明。
最喜鯨夷成遠遁，無勞戰艦復縱橫。
登臨且盡杯中物，閒看羣鷗卧不驚。
旛旒翩翩映水開，衝擊遶蓬萊。
風擗竹纜蒼龍偃，棹破鯨波雪浪催。
角齊鳴，隨汛起，軍聲亂湧逐潮來。
倭夷今幸無消息，海上觀兵且舉杯。
近海風來二月寒，陳兵水面此奇觀。
舳艫彩射魚龍窟，甲冑光騰霄漢端。
戰纜已成三捷勝，妖鯨既斷萬流安。
軍容掩映蓬山外，把酒凭欄興覺寬。

中秋蓬萊閣燕集二首

暄氣初收素節清一天皓彩映波明瓊卮喜泛銀蟾
影綺席欣霑玉露盈不向庾樓興去思且同渤海歌
升平常將心事看秋月一醉金莖足解醒

宦海浮沉二十春喜隨杖屨醉芳辰光飛金鏡三山
燦影散瓊樓萬派新黑魚浮光歡白眼澄澄霽色滌
澆塵醉來如坐清虛府自信曾無愧紫宸

海上漫賦

海上民淳無俗事閒看鶴鹿一凭闌雨餘庭樹晴烟

鎖日映山樓瑞靄盤宓子鳴琴堪寄趣醉翁載酒好
遊觀何年遂却茹芝頰綠水青山盡日看

中秋從程太翁冀寅丈蓬萊閣燕集二首

大梁張以翔

頻年佐郡護樓船此夕中秋啓盡筵風起深洋無定
月烟消極浦不分天何妨露氣浸羅綺一任潮聲亂
管絃北海故稱能好客開樽寧負酒杯傳

飛閣峩峩架玉缸丹崖高敞疑神工萬流赴壑依天
險五色蒸雲擁日宮童女尚餘秦帝恨樓船誰紀漢

時功自從島寇驚烽火未得忘機愧海翁

登蓬萊閣

徐元卿

春風淡蕩海波澄縹緲雲山煙景層飛鶴聲空濤和
響歲龍窟靜浪悠騰汀洲樹色遙看遠島嶼晴光入
望弘謾道官閒多勝賞聊將高閣自頻登

登蓬萊閣觀海

袁九功

登臨高閣步僊蹤便覺煩襟一洗空滾滾波濤涵日
月迢迢脉絡接蒼穹遠陽正望烽烟靜齊魯東來瑞
氣鍾三島十洲何處是接臺縹緲彩雲叢

蓬萊閣晚眺二首

冀述

蓬萊閣下碧波幽蓬萊閣上望十洲貝闕已隨蜃氣
散曲欄空對暮雲愁鼉磯寂寞山花冷島竹蕭疎海
月收欲覓安期何處是天光水色共悠悠

樓閣披霞四望開舳艫千艦近蓬萊霓旌捲浪蛟龍
舞鼙鼓喧天鯁鱗哀海國防兵今已老島首和市又
成猜曦輪謾度扶桑曲誰御長風萬里來

和程太老筌洲中秋夜蓬萊閣燕集二首

煙收雲散正秋清萬里長空一鏡明皓魄乍傍潮浪

起素華常伴酒杯盈瓊樓有約寒光淺海國無波爽
氣平獨憶

聖明園未轉每逢佳節病如醒

遼陽回首已三春寂寞天涯又此辰銀世光浮城廓
舊冰輪影泛海山新詩豪可信表宏渚興淺應慚度
亮塵把酒還將酌素月此生何以報

風宸

登蓬萊閣觀海次

無臺韻四首

大寧馬行健

海成旂旆混太清樓船列戰碧雲平鰲頭穩載波須
穩兔魄明生月正明王會千年光簡帙

皇威萬里靖氛橫元戎已見標銅柱奕世咸賓浪不
驚

乘軺大閱朔風寒萬里洪濤此壯觀諸葛陣成雲鳥
在張華劍倚斗牛端北來氛裊千秋熄東顧關山一
帶安萬國梯航今日事

皇圖極目配天寬

二月屯雲勝地開仙僚攜我上蓬萊琪花已向三洲

燦羯鼓無勞乙夜催城上白雲曉日出檻前冥色巨
濤來即今萬里鯨波盡落日虛亭酒一杯

觀海

一上蓬萊眼便空此身疑在廣寒宮雲團滄溟浮山
綠日發扶桑映水紅後樂且娛今日去前旌休問幾
時通臨深恨少滴桐句海若相憐不取窮

次

大中丞黃公觀兵夜宴蓬萊閣韻四首

燕山燕亭齊

親提虎旅海雲開幕府春風下草萊玉帳熊羆爭自
奮金牙刁斗度頻催旄頭已向三山滅羽檄從教萬
里來尊俎折成燕喜不妨清夜此啣杯

白雲繚遶十洲開問俗提兵到海萊萬弩射潮高鳥
盡千艘入敵怒濤催長纓我愧天東役銅柱君標海
外來極目扶桑烽火靜相將春色醉霞杯

颶風吹浪海門寒檻外長天萬里觀倚劔中原來物
色開尊高閣藉雲端依稀貝闕千門豁顧盼山河一
帶安迫岸長鯨還自遁憑虛一趾識天寬

藍珠宮闕水晶寒蕩漾長風縱大觀已見丹旄清海
微會徵黃閣肅朝端潢池有警心猶軫縣宇無虞卧
始安襟度汪洋澄萬品滄溟堪與初心寬

登蓬萊閣觀海二首

渤澥無塵灑氣清晴嵐玉界暮山平
浪花縹緲飛空碧烟樹蒼茫入眼明
暎水樓臺仙刹近夕陽檣櫓釣
舟橫于今青海綠綫盡為報魚龍莫震驚
翠微高處午風清島里滄波入望平
瑤島雨餘青未了珠宮煙靜暗還明
函收海面千靈寐日暮灘頭一

舸橫把酒憑闌堪極目芳洲鷗鷺莫相驚

登蓬萊閣觀海市

會稽金乘鉞遊華

蓬萊高閣倚天開
滄海晴光萬里來
三島風清呈五色
十洲雲靄結三台
龍光隱見仙宮近
蜃氣氤氳海嶠迴
欲訪當年驅石事
乘槎幾度去還回

登蓬萊閣觀海市

董振業 府學訓

半生飛興遶蓬萊
今日佳遊何快哉
萬丈龍洲翻日月
五城蜃氣幻樓臺
六鰲駕海遙相近
三島樓真莫浪猜
緣是魯狂耽勝蹟
西從泰嶺御風來

登蓬萊閣觀海市

劉敬業關里教授

凭闌遐眺似騰鸞
驚睹竒觀狀宛然
人寄多中仍睇
幻誰能玄上又求玄
深疑貝闕胡無在
翻迓蓬壺別
有天我欲瀛洲尋
大藥坐看滄海變
桑田

蓬萊閣觀海

邑人曹讓

蓬萊閣上望蓬萊
知隔煙雲何處猜
玉觀猶傳凌遠
界學人有幾
解空臺常思大道無
生一滅却憶雙鳧自
去來赤粟安期非
亦亦勤修須仗不凡才

秋杪閣中望日出

黃應台高唐州知州

秋高書閣紫雲多
縹緲蓬萊望裏過
天際金風迴鶴
鶴眼前雪浪見
奮龍長山島外懸
霍鏡小竹磯邊擁
數螺獨倚女牆無
個事浮雲西北竟
如何

蓬萊閣集后跋

郡舊有蓬萊閣觀海亭集日就殘缺且近作俱未收
入會庚寅歲閣復成規制比往充備奚啻名勝表東
海哉夫蓬萊之名神仙之說也士大夫往來臨眺茲
境其撫景興懷感時攄愔見之於吟咏篇什雖人人
殊大端多談述神仙有無事必為有仙者以仙風道
骨世自別有一種松喬其人也必為無者又深駭
方士滿譎誣天秦漢所求是也余不知所謂仙第今
畏途者若視浮名為倘來內氓機心外氓機事隨分

可以朝市可以山林得則為民生造福失則尚保其
故步此真神仙中人也先正論釋教曰天堂無則已
有則君子登則知神仙無則已有則君子登無疑矣
凡際清暇壯遊名勝如蓬萊仙閣者亦宿緣也其姓
氏詩文於是復收之梓舊集與新增共為卷若干直
題曰蓬萊閣集云

萬曆十九年辛卯閏三月

知登州府事夏邑王雲鷺書

蓬萊閣集後序

余陞伏大寧披輿圖謂東溟有蓬萊度朔在焉賊心
目久之泊挾策遊蓬萊偶檢蓬萊集讀再四竟恍惚
縹緲與羨門安期生石相旦暮遇恨不乘白元越三島
十洲之間目擊而覽勝焉無何上

天曹輒得代匱蓬萊私心竊自慰甫視事以時臨千
仞之丹碧第無垠之碧瀚見瓊閣臨流巋然峙峙喻
吐雲氣卷舒飛虹仰摩銀漢俯探日轂少焉烟波微
起風弄紅霞白鷁玄鶴飛鳴上下城廓臺榭閃爍萬

狀對景披情恍如乘槎犯牛斗之渚爽然身世在飛
仙朗吟窟也於曩所覽載集而悵眇者猶屬幻目耳
時方入樂浪之區稍稍偃烽鼓而曠稅苦橫腹縣官
且為代庖黔黎亦色起壬寅春

大中丞晉江黃公偕監司來公秉鉞東巡夏六月清
流伍公適脚節鎮茲主隨車之澤迤潤四郊郡伯程
公海防張公督糧袁公司理龔公又殷殷保釐東土
是計以故海隅禔福節屋流醇波真瀾浴嵐空濤靜
海若且瀨瀨效靈也於時諸公以暇登臨凭高瞰下

相與洩天籟抒性靈雖長篇短什人人異哉總之皆
嘔歌太平寄意文以不負

國負民相期許質有其文於都哉不佞徒覩顏
民牧庶幾藉福什道於盤獨其集不雅馴郡大夫
惜之未幾發蓬萊集檄府庠博馬君羅君暨弟子負
秦生若魯二三輩參互考訂芟蕪刊蔓葺舊蒐新且
爲之釋註其句讀以垂不朽令讀者瞭然若捧睥
盤以示集成學博馬君等持而來謁謂予曰山川樓
閣得人而重匪人重於山川樓閣也集中纒纒洋洋

欬唾累珠玉而譚者惟是木玄虛蘇子瞻前茅視之
以芑又與其人皆百代殊絕也郡伯若倅諸君子文
二千八百 嶮赴今昔為海內沃聞即溟渤藉而安瀾樓
閣因而增麗也千禩後頌登良牧者當與木蘇二公
並傳不朽且曰蓬萊而有某某蓬萊不寧境勝也若
招安期於阜鄉揖羨門於懸圃事出杳冥母曰無之
即有焉於生民利病何當哉不佞唯唯謝其知言遂
持而付剞劂氏

萬曆癸卯孟夏之吉 蓬萊縣事大寧馬行健謹書



